

ӨРГӨН НЭВТРҮҮЛГИЙН ҮЙЛЧИЛГЭЭНИЙ ТУСГАЙ ЗӨВШӨӨРЛИЙН ЭЗЭМШИЛ, ӨМЧЛӨЛИЙН ИЛ ТОД БАЙДАЛ

2026.03.26-ны өдөр

Харилцаа холбооны зохицуулах хороо нь Өргөн нэвтрүүлгийн тухай хуулийн 30 дугаар зүйлийн 30.1.2, 19 дүгээр зүйлийн 19.5-д заасан чиг үүргийн хүрээнд жил бүрийн нэгдүгээр улиралд өргөн нэвтрүүлгийн үйлчилгээ эрхлэгчдийн эзэмшил болон эзэмшлийн өөрчлөлтийн талаарх мэдээллийг өмнөх оны 12 дугаар сарын 31-ний өдрийн байдлаар шинэчлэн гаргаж, олон нийтэд тогтмол мэдээлдэг.

Өргөн нэвтрүүлгийн тухай хуульд өргөн нэвтрүүлгийг хараат бус, нээлттэй, ёс зүйтэй байлгах зорилгоор өргөн нэвтрүүлгийн үйлчилгээний тусгай зөвшөөрлийн эзэмшлийн ил тод байдлыг хангах тодорхой зохицуулалтуудыг тусгасан байдаг. Тухайлбал:

- “Өргөн нэвтрүүлгийг хараат бус, нээлттэй, ёс зүйтэй байлгах зорилгоор өргөн нэвтрүүлгийн эзэмшлийг ил тод байлгана.” (19.1 дэх хэсэг);
- “Тусгай зөвшөөрөл эзэмшигч хуулийн этгээд нь Зохицуулах хороонд жил бүрийн 12 дугаар сарын 31-ний өдрийн дотор тусгай зөвшөөрлийн эзэмшлийн талаарх тус хуульд заасан мэдээллийг хүргүүлнэ” (19.2 дах хэсэг);
- “Тусгай зөвшөөрлийн эзэмшлийн талаарх мэдээллийг Зохицуулах хороо олон нийтэд мэдээлнэ” (19.5);
- “Өргөн нэвтрүүлгийн үйлчилгээний тусгай зөвшөөрлийн эзэмшлийн мэдээллийг Зохицуулах хороонд гаргаж өгөөгүй, нуусан тохиолдолд тусгай зөвшөөрлийг цуцлах хүртэл арга хэмжээ авна” (19.6) гэж тус тус заасан байдаг.

Өргөн нэвтрүүлгийн үйлчилгээний тусгай зөвшөөрлийн эзэмшлийн дэлгэрэнгүй мэдээллийг 2025 оны 12 дугаар сарын 31-ний байдлаар шинэчлэн гаргаж, олон нийтэд мэдээлснийг энэхүү <https://shorturl.at/gbYsD> холбоосоор орж танилцана уу.

Тус мэдээлэлд үндэслэн өргөн нэвтрүүлгийн үйлчилгээ эрхлэх тусгай зөвшөөрөл эзэмшигч хуулийн этгээдүүдийн эзэмшил, өмчлөлийн талаарх нэгдсэн мэдээллийг хүргэж байна.

Хүснэгт 1. Өргөн нэвтрүүлгийн үйлчилгээний тусгай зөвшөөрлийн төрөл, тоо (2025.12.31-ний өдрийн байдлаар)

Өргөн нэвтрүүлгийн үйлчилгээний тусгай зөвшөөрлийн төрөл (Өргөн нэвтрүүлгийн тухай хуулийн 6.1)	Үйлчилгээ эрхлэх байршлаар	
	УБ	Орон нутаг
Монголын үндэсний олон нийтийн радио телевиз	9	-

Өргөн нэвтрүүлгийн телевиз	18	38
Арилжааны телевиз	55	3
Төлбөртэй телевиз	20	-
Радио	30	34
Олон суваг дамжуулах үйлчилгээ	11	14
Радио, телевизийн газрын сүлжээний үйлчилгээ эрхлэх	1	-
НИЙТ		233

Өргөн нэвтрүүлгийн үйлчилгээний тусгай зөвшөөрөл эзэмшигч нийт 233 үйлчилгээ эрхлэгчид:

- Монголын үндэсний олон нийтийн радио, телевизэд 9 тусгай зөвшөөрөлтэй үйлчилгээ (үндсэн 2 суваг болон түүний харьяа бусад сувгууд);
- Улсын төсөвт байгууллага болон төрийн өмчит үйлдвэрийн газарт харьяалагдах 2 үйлчилгээ эрхлэгч;
- 222 үйлчилгээ нь хувийн өмчийн хэлбэртэй, хуулийн этгээдийн нэр дээр бүртгэлтэй байна.

Нийт тусгай зөвшөөрөл эзэмшигчдээс **153** үйлчилгээ эрхлэгч эзэмшлийн мэдээллээ батлагдсан маягтын дагуу, хуульд заасан хугацаанд ирүүлсэн байна.

Харилцаа холбооны зохицуулах хороо (ХХЗХ) нь өргөн нэвтрүүлгийн үйлчилгээ эрхлэгчдийн эзэмшлийн мэдээллийг хүлээн авч, Улсын бүртгэлийн ерөнхий газрын нээлттэй мэдээллийн сан (opendata.mn) мэдээлэлтэй тулган шалгасны үндсэн дээр эзэмшлийн мэдээллийг эцэслэн гаргасан болно.

2025 оны 12 дугаар сарын 31-ний өдрийн байдлаар өргөн нэвтрүүлгийн үйлчилгээ эрхлэх тусгай зөвшөөрлийн эзэмшлийн мэдээллийг авч үзэхэд:

Хүснэгт 2. Өргөн нэвтрүүлгийн үйлчилгээний тусгай зөвшөөрөл эзэмшигчдийн эрх зүйн статус

Өргөн нэвтрүүлгийн үйлчилгээ эрхлэгчид нийт тоо	Тусгай зөвшөөрөл эзэмшигчийн эрх зүйн статус							
	НЭЗХЭ (Олон нийтийн)	УТҮГ	ТӨҮГ	ХХК	ТББ	ХМБ*	ШБ**	Иргэн
233	9	1	1	181	15	2	1	1

*Өргөн нэвтрүүлгийн тухай хуулийн 7.2-т “өргөн нэвтрүүлгийн үйлчилгээ эрхлэх тусгай зөвшөөрлийг Монгол Улсад бүртгэлтэй хуулийн этгээдэд олгоно”. гэж заасан байдаг.

Тайлбар: ХМБ-*Хэвлэл мэдээллийн байгууллага*, ШБ-*Шашны байгууллага*

Өргөн нэвтрүүлгийн тухай хуулийг дагаж мөрдөх журмын тухай хуулийн 1-р зүйлд “Өргөн нэвтрүүлгийн тухай хуулийг дагаж мөрдөхөөс өмнө (2020 оны 7-р сарын 1-нээс өмнө) улсын бүртгэлд бүртгүүлж, зохих журмын дагуу үйл ажиллагаа явуулж байсан өргөн нэвтрүүлгийн үйлчилгээ эрхлэгчийн өргөн нэвтрүүлгийн үйлчилгээ эрхлэх эрх хүчин төгөлдөр байна.” гэж заасан болно.

Тусгай зөвшөөрөл эзэмшигч хуулийн этгээдийн хэлбэрийг авч үзэхэд 90,5 хувь нь хязгаарлагдмал хариуцлагатай компанийн нэр дээр байна.

Өргөн нэвтрүүлгийн үйлчилгээ эрхлэгчдийн тусгай зөвшөөрлийн эзэмшлийн мэдээллийг 2025 оны байдлаар шинэчлэн авч үзэхэд дараах өөрчлөлтүүд бүртгэгдсэн. Үүнд:

Хүснэгт 3. Эзэмшлийн өөрчлөлтийн нэгдсэн хүснэгт

Өөрчлөлтийн төрөл	Тусгай зөвшөөрлийн ангилал	Өөрчлөлтийн тоо (2025 он)
Хувьцаа эзэмшигчдийн өөрчлөлт	Улаанбаатар хотын Өргөн нэвтрүүлгийн 18 телевизээс	2
	Улаанбаатар хотын Арилжааны 55 телевизээс	7
	Орон нутгийн өргөн нэвтрүүлгийн 41 телевизээс	2
	Улаанбаатар хотын 30 радиогоос	УБ Радио-4
	Төлбөртэй 20 телевизээс	1
	Олон суваг дамжуулах үйлчилгээ (Улаанбаатар хот 11, Орон нутагт 14)	0
Итгэмжлэлгүйгээр төлөөлөх эрх бүхий этгээд	Улаанбаатар хотын Өргөн нэвтрүүлгийн 18 телевизээс	2
	Улаанбаатар хотын Арилжааны 55 телевизээс	6
	Орон нутгийн өргөн нэвтрүүлгийн 41 телевизээс	1
	Улаанбаатар хотын 30 радиогоос	УБ-4

Өргөн нэвтрүүлгийн тусгай зөвшөөрөл эзэмшигчдийн 2025 оны эцсийн байдлаар эзэмшлийн өөрчлөлтийг өмнөх онтой харьцуулан үйлчилгээний төрөл тус бүрээр авч үзвэл, Улаанбаатар хотын арилжааны телевизийн үйлчилгээ эрхлэгчдийн дунд өмчлөлийн бүтцэд өөрчлөлт орсон, хувьцаа эзэмшигч болон удирдлагын өөрчлөлт бусад ангиллаас харьцангуй өндөр байна. Энэ нь тухайн ангилалд хөрөнгө оруулалтын хөдөлгөөн, өмчлөлийн шилжилт илүү идэвхтэй байгааг харуулж буй юм. Харин олон суваг дамжуулах үйлчилгээний хувьд эзэмшлийн бүтэц тогтвортой, бусад ангилалд эзэмшлийн өөрчлөлтийн түвшин харьцангуй бага байна.

Өргөн нэвтрүүлгийн үйлчилгээний тусгай зөвшөөрөл эзэмшигч хуулийн этгээдийн эзэмшил, өмчлөлийн нэгдсэн мэдээлэл

1. Улаанбаатар хотын Өргөн нэвтрүүлгийн телевизийн үйлчилгээний тусгай зөвшөөрөл эзэмшигч хуулийн этгээдийн эзэмшлийн байдал

Хүснэгт 4. Улаанбаатар хот. Өргөн нэвтрүүлгийн телевизийн үйлчилгээний тусгай зөвшөөрөл эзэмшигч хуулийн этгээдийн эзэмшлийн бүтэц, ангилал, тайлбар

№	ХХК-ийн эзэмшлийн бүтэц	Тайлбар	Телевизийн тоо	Телевизийн нэр
1	1 иргэн 100 % эзэмшдэг	Компанийг нэг иргэн дангаар 100% эзэмшдэг	6	TB5, SBN, Star, ETV, Малчин, Сүлд
2	Олон иргэний хамтарсан эзэмшил	2 ба түүнээс дээш иргэн хувьцаа эзэмшдэг	4	25-р суваг, UBS, TM, Central
3	1 хуулийн этгээд 100% эзэмшдэг	Тусгай зөвшөөрөл эзэмшигч хуулийн этгээдийг өөр нэг ХХК 100% эзэмшдэг	6	TV8, C1, TB9, NTV, Eagle, Боловсрол суваг
4	Иргэн, ХК-ийн холимог эзэмшил	Эзэмшигчдийн бүрэлдэхүүнд иргэн болон хувьцаат компани хамт орсон	1	Монгол ТВ
5	ХК, ХХК холимог олон хуулийн этгээд	2 ба түүнээс дээш хуулийн этгээдээс бүрдсэн холимог эзэмшлийн бүтэцтэй.	1	TenGer TV

Хүснэгт 5. Улаанбаатар хот. Өргөн нэвтрүүлгийн телевизийн үйлчилгээний тусгай зөвшөөрөл эзэмшигч хуулийн этгээдийн эцсийн эзэмшлийн бүтцийн ангилал

№	Эцсийн эзэмшлийн ангилал	Тоо	Телевизийн нэр
1	Нэг иргэн дээр төвлөрсөн эзэмшил (шууд 100 хувь болон дам эзэмшлээр)	11	TB5, SBN, Star, ETV, Малчин, Сүлд, TV8, C1, TB9, Eagle, Боловсрол суваг
2	Олон этгээдийн хамтарсан эзэмшил	5	25-р суваг, UBS, TM, Central, NTV
3	Холимог эзэмшил (ХК, Иргэн, ХХК)	2	Монгол ТВ, TenGer TV

Улаанбаатар хотод үйл ажиллагаа явуулж буй өргөн нэвтрүүлгийн 18 телевизийн тусгай зөвшөөрөл эзэмшигч компаниудын эзэмшлийн бүтцийг эцсийн өмчлөгчийн түвшинд авч үзвэл, 11 компани (61 хувь) нь тус бүр нэг иргэний эзэмшил, хяналтын бүтэцтэй байна. Энэ нь өргөн нэвтрүүлгийн телевизүүдийн хувьд нэг этгээдийн эзэмшлийн түвшин харьцангуй өндөр байгааг илтгэж байна. Иймд компанийн засаглалыг сайжруулах хүрээнд удирдлага, хувьцаа эзэмшигч, редакц, дотоод хяналтын чиг үүргүүдийн зохистой зааг харилцааг тодорхой болгох, мэдээллийн ил тод байдал, редакцын хараат бус байдлыг хангах асуудлыг цаашид анхаарч авч үзэх шаардлагатай.

Харин үлдсэн 7 телевизийн хувьд эзэмшлийн бүтэц нь хоёр ба түүнээс дээш этгээдийн оролцоотой бөгөөд иргэн, хуулийн этгээд, нээлттэй хувьцаат компанийн оролцоо бүхий холимог хэлбэртэй байна. Ийм бүтэц нь өмчлөлийн оролцоог өргөжүүлэх, хяналтын механизмыг бүрдүүлэх, хөрөнгө оруулалт татах, санхүүгийн чадавхыг нэмэгдүүлэх давуу талтай.

Түүнчлэн Улаанбаатар хотын өргөн нэвтрүүлгийн телевизүүдийн тусгай зөвшөөрөл эзэмшигчдийн дунд нээлттэй хувьцаат компанийн оролцоо бий болсон нь санхүүгийн тайлагнал, дотоод хяналт, үйл ажиллагааны ил тод байдлыг сайжруулах замаар компанийн засаглалд эерэг нөлөө үзүүлэх боломж бүрдэж байгааг харуулж байна.

Компанийн хөрөнгийн ихэнх нь олон жижиг хувьцаа эзэмшигчдэд хуваарилагдах нь өөрөө компанийн засаглалын эерэг үзүүлэлт учраас олон улсын зах зээл дээр ийм эзэмшлийн бүтэцтэй компанид хүмүүс хөрөнгө оруулалт хийх дуртай байдаг. Эзэмшил төвлөрсөн компанид хөрөнгө оруулалт хийх нь эргээд гүйцэтгэх удирдлагад хяналт тавих болон компанийн удирдлагад оролцох боломж бололцооны тал дээр хязгаарлагдмал байдаг бөгөөд эзэн агентын зөрчил гэхээс илүү том хувьцаа эзэмшигчид болон жижиг хувьцаа эзэмшигчдийн зөрчил ихтэй байдаг Цэнд-Аюуш, Т. (2011). *Монголын компанийн засаглалын нээлттэй байдлын түвшний шинжилгээ.*

Өргөн нэвтрүүлгийн тухай хууль 7.4.6-д гадаадын гадаадын хөрөнгө оруулагч этгээдэд өргөн нэвтрүүлгийн телевизийн тусгай зөвшөөрөл олгохыг хориглосон байдаг. Тусгай зөвшөөрлийн эзэмшлийн мэдээллээс үзэхэд өргөн нэвтрүүлгийн телевизийн тусгай зөвшөөрлийн эзэмшил нь дотоодын иргэн, хуулийн этгээдийн оролцоонд тулгуурласан байна.

1. Арилжааны телевизийн үйлчилгээний тусгай зөвшөөрөл эзэмшигч хуулийн этгээдийн эзэмшлийн байдал

Хүснэгт 6. Арилжааны телевизийн үйлчилгээний тусгай зөвшөөрөл эзэмшигч хуулийн этгээдийн эзэмшлийн бүтэц

№	ХХК-ийн эзэмшлийн бүтэц	Телевизийн тоо
1	1 иргэн 100 % эзэмшдэг	21
2	Олон иргэний хамтарсан эзэмшил	9
3	1 хуулийн этгээд 100% эзэмшдэг	12
4	Иргэн,ХК-ийн холимог эзэмшил	1
5	ХХК болон ТББ	2
6	Иргэн, ХХК- холимог олон хуулийн этгээд	10

Хүснэгт 7. Арилжааны телевизийн үйлчилгээний тусгай зөвшөөрөл эзэмшигч хуулийн этгээдийн эзэмшлийн бүтэц, дэлгэрэнгүй

№	Ангилал	Тайлбар	Телевизийн нэр
1	1 иргэн 100% эзэмшдэг	Компанийг нэг иргэн дангаар 100% эзэмшдэг	Парламентийн суваг, Channel11, Өлзий телевиз, ТВ5-2, Тэнгэр, Соён гэгээрүүлэгч, TV3, Movimax, LIVE, Хөгжил телевиз, Мянгат Malchin, TV6, News channel, Си чаннель, Их

			засаг, Mongolsat Кино, GU телевиз, Bantan, MNTV, Play Max, Шүүхийн суваг.
2	Олон иргэн хамтран эзэмшдэг	2 ба түүнээс дээш иргэн хувьцаа эзэмшдэг	7-р суваг, Eco Channel, Like суваг, Хөх Монгол, Бидний цөөхөн Монголчууд, CNBC Mongolia, UTV, Талын Монгол, Масс ТВ.
3	1 хуулийн этгээд 100% эзэмшдэг	Тусгай зөвшөөрөл эзэмшигч ХХК-ийг өөр нэг ХХК 100% эзэмшдэг	Асар shop, TV9-2, Asian box, Movie box, MNC, Хөг-Жим, NTV sport, Гандан ТВ, HIT, GoGo TV, N Movies
4	Иргэн + ХК-ийн холимог эзэмшил	Эзэмшигчдийн бүрэлдэхүүнд иргэн болон хуулийн этгээд хамт орсон	Mongol TV +1
5	Иргэн, ХХК, НҮТББ Олон хуулийн этгээдийн холимог эзэмшил	2 ба түүнээс дээш хуулийн этгээд эзэмшдэг	Dream box, Mon Plus, Глобал ТВ, Блүүмбэрг суваг, Premier sports 1-5 суваг, Лакс ТВ Монгол, TV2, Авто тв

Хүснэгт 8. Арилжааны телевизийн үйлчилгээний тусгай зөвшөөрөл эзэмшигч хуулийн этгээдийн эцсийн эзэмшлийн бүтцийн ангилал

№	Эцсийн эзэмшлийн ангилал	Тоо	Телевизийн нэр
1	Нэг иргэн дээр төвлөрсөн эзэмшил (шууд 100 хувь болон дам эзэмшлээр)	32	Парламентийн суваг, Channel11, Өлзий телевиз, ТВ5-2, Тэнгэр, Соён гэгээрүүлэгч, TV3, Moviemax, LIVE, Хөгжил телевиз, Мянгат Malchin, TV6, News channel, Си чаннель, Их засаг, Mongolsat Кино, GU телевиз, Bantan, MNTV, Play Max, Шүүхийн суваг, Асар shop, TV9-2, Asian box, Movie box, MNC, Хөг-Жим, NTV sport, Гандан ТВ, HIT, GoGo TV, N Movies.
2	Олон этгээдийн хамтарсан эзэмшил	10	7-р суваг, Eco Channel, Like суваг, Хөх Монгол, Бидний цөөхөн Монголчууд, CNBC Mongolia, UTV, Талын Монгол, Масс ТВ, NTN.
3	Холимог эзэмшил ХК Иргэн, Иргэн ХХК)	12	Mongol TV +1, Mon Plus, Глобал ТВ, Блүүмбэрг суваг, Premier sports 1-5 суваг, Лакс ТВ Монгол, TV2, Авто тв
4	НҮТББ	1	Dream box

Арилжааны телевизүүдийн тусгай зөвшөөрлийн эзэмшлийн бүтцийг эцсийн өмчлөгчийн түвшинд авч үзвэл, нийт телевизүүдийн 59 хувь (32 телевиз) нь тус бүр нэг иргэний эзэмшил, хяналтын бүтэцтэй. Бусад нь олон этгээдийн хамтарсан болон

холимог эзэмшлийн бүтэцтэй боловч эцсийн өмчлөл мөн цөөн этгээдэд төвлөрсөн шинж ажиглагдаж байна. Энэ нь редакцын хараат бус байдал, бие даасан шийдвэр гаргалтад нөлөөлөх эрсдэл үүсэх боломжтойг илтгэх нэг үзүүлэлт болно.

2. Орон нутгийн телевизүүдийн тусгай зөвшөөрөл эзэмшигч хуулийн этгээдийн эзэмшлийн байдал

Хүснэгт-9. Орон нутгийн өргөн нэвтрүүлгийн телевизийн үйлчилгээний тусгай зөвшөөрөл эзэмшигч хуулийн этгээдийн эзэмшлийн бүтэц

№	ХХК-ийн эзэмшлийн бүтэц	Телевизийн тоо
1	1 иргэн 100 % эзэмшдэг	25
2	2 ба түүнээс дээш иргэн эзэмшдэг	13
3	ХХК-ийн дам эзэмшилтэй	1
4	Иргэн, ХХК холимог олон хуулийн этгээд	1
5	ТӨҮГ	1

Хүснэгт-10. Орон нутгийн өргөн нэвтрүүлгийн телевизийн үйлчилгээний тусгай зөвшөөрөл эзэмшигч хуулийн этгээдийн эзэмшлийн бүтэц, дэлгэрэнгүй

№	Ангилал	Тайлбар	Телевизийн нэр
1	1 иргэн 100% эзэмшдэг	Компанийг нэг иргэн дангаар 100% эзэмшдэг	АВ, Тамир, Сайхан Монгол, Номгон, Баянхонгор ТВ, DBS TV, TV4, RGB TV, DSS, Жаран, Дорнын ТВ6, Талын анир ТВ, New broadcasting Television, etv, Мэдээллийн бирж, Гэгээнтэн, SB TV, Төв, Увс, МВС, Олон ястны телевиз, Буян телевиз, D1, Жаргалант ТВ
2	Олон иргэн хамтран эзэмшдэг	2 ба түүнээс дээш иргэн хувьцаа эзэмшдэг	DTV, Дорнод, Мижи, AIR1, Тусгал 1, Хас, Говь HD, BBS TV, TBS, Ховд телевиз, Далай ээж ТВ, Хөвсгөл, Дербес
3	1 хуулийн этгээд 100% эзэмшдэг	Тусгай зөвшөөрөл эзэмшигч хуулийн этгээдийг өөр нэг ХХК 100% эзэмшдэг	TV24
4	Иргэн+ХХК-ийн холимог эзэмшил	Эзэмшигчдийн бүрэлдэхүүнд иргэн болон хуулийн этгээд хамт орсон	Алтан говь ТВ
5	Төрийн өмчийн газар		Эрдэнэт үйлдвэр ТӨҮГ

Орон нутгийн өргөн нэвтрүүлгийн телевизүүдийн эзэмшлийн бүтцийг телевиз тус бүрийн эцсийн өмчлөгчийн түвшинд авч үзвэл, 61 хувь нь тус бүр нэг иргэний эзэмшилтэй, үлдсэн хэсэгт олон иргэний оролцоо бүхий эзэмшлийн бүтэц ажиглагдаж байна. Энэ нь орон нутгийн зах зээлийн багтаамж, хөтөлбөрийн онцлог, хүний нөөц,

хөрөнгө оруулалтын хязгаарлагдмал байдалтай холбоотой байж болохыг харуулж байна.

Гэсэн хэдий ч зарим телевизэд олон иргэний оролцоо бүхий эзэмшил нэмэгдэж байгаа нь эзэмшлийн олон талт байдлыг нэмэгдүүлэх боломж байгааг илтгэнэ.

3. Радиогийн үйлчилгээний тусгай зөвшөөрөл эзэмшигч хуулийн этгээдийн эзэмшлийн байдал

Хүснэгт-11. Улаанбаатар хотын радиогийн үйлчилгээний тусгай зөвшөөрөл эзэмшигч хуулийн этгээдийн эзэмшлийн бүтэц

№	ХХК-ийн эзэмшлийн бүтэц	Радиогийн тоо	Радиогийн нэр
1	1 иргэн 100 % эзэмшдэг	18	FM-104.5, FM-107.5, FM-100.5, FM-105.5, FM-98.9, FM-98.1, FM-104, FM-102.5, FM-99.7, FM-96.3, FM-95.7, FM-95.1, FM-96.9, FM-92.5, FM-101.7, FM-92.1, FM-102.1, FM-89.3
2	2 ба түүнээс дээш иргэн эзэмшдэг	6	FM-100.1, FM-106.6, FM-99.3, FM-97.5, FM-89.7, FM-88.3
3	ХХК-ийн дам эзэмшилтэй	5	FM-103.6, FM-107.0, FM-91.7, FM-91.1, FM-88.8
4	Иргэн, ТББ холимог олон хуулийн этгээд	1	FM-90.5

Хүснэгт-12. Улаанбаатар хотын радиогийн үйлчилгээний тусгай зөвшөөрөл эзэмшигч хуулийн этгээдийн эцсийн эзэмшлийн бүтцийн ангилал

№	Эцсийн эзэмшлийн ангилал	Тоо	Радиогийн нэр
1	Нэг иргэн дээр төвлөрсөн эзэмшил (шууд 100 хувь болон дам эзэмшлээр)	23	FM-104.5, FM-107.5, FM-100.5, FM-105.5, FM-98.9, FM-98.1, FM-104, FM-102.5, FM-99.7, FM-96.3, FM-95.7, FM-95.1, FM-96.9, FM-92.5, FM-101.7, FM-92.1, FM-102.1, FM-89.3, FM-103.6, FM-107.0, FM-91.7, FM-91.1, FM-88.8
2	Олон этгээдийн хамтарсан эзэмшил	6	FM-100.1, FM-106.6, FM-99.3, FM-97.5, FM-89.7, FM-88.3
3	Холимог эзэмшил (Иргэн, ТББ)	1	FM-90.5

Хүснэгт-13 Орон нутгийн радиогийн үйлчилгээний тусгай зөвшөөрөл эзэмшигч хуулийн этгээдийн эзэмшлийн бүтэц

№	ХХК-ийн эзэмшлийн бүтэц	Радиогийн тоо
1	1 иргэн 100 % эзэмшдэг	22
2	1 ба түүнээс дээш эзэмшилтэй ТББ дээр эзэмшдэг	8
3	2 ба түүнээс дээш иргэн эзэмшдэг	2
4	Иргэн, ХХК холимог олон хуулийн этгээд	1
5	Төрийн өмчийн	1

Хүснэгт-13 Орон нутгийн радиогийн үйлчилгээний тусгай зөвшөөрөл эзэмшигч хуулийн этгээдийн эцсийн эзэмшлийн бүтцийн ангилал

№	Ангилал	Тайлбар	Тоо	Радиогийн нэр
1	1 иргэн 100% эзэмшдэг, ТББ дээр иргэн дангаар эзэмшдэг	Компанийг нэг иргэн дангаар 100% эзэмшдэг	27	ФМ 89.5, Хөх монгол 87.9, Монгол тандаа зүтгэе залуусын радио FM-87.9, Бизнес радио FM-106.5 (89.1), FM-88.7, Nice radio FM-89.5, Бизнесийн хөтөч FM-89.1, Миний нутаг радио ФМ 89.5, Элгэн нутаг 87.9, iMongolia radio FM-89.1, Хөх монгол 87.9, Эрдэнэтийн дуу хоолой FM-106.5, Эгшиг радио FM-89.1, Нандин аялгуу 87.5, ФМ 89.1, Төвийн бүсийн радио 87.9, Найс радио FM 89.5, Шинэ дэлхий ФМ 89.1, Хөх монгол 87.9, Тэмүүлэл FM-89.1, Сторм FM-89.1, ФМ 89.1, Буян FM-104.7
2	Олон иргэн хамтран эзэмшдэг, ТББ	2 ба түүнээс дээш иргэн хувьцаа эзэмшдэг	5	Төрөлх Алтай фм 89.5, Бизнесийн хөтөч FM-89.1, Ноён уул радио FM-102.6, Баянзам FM-101.1, Тал нутгийн аялгуу ФМ 87.9
3	Төрийн өмчийн		1	Эрдэнэт үйлдвэр ТӨҮГ
4	Иргэн+ХХК-ийн холимог эзэмшил	Эзэмшигчдийн бүрэлдэхүүнд иргэн болон хуулийн этгээд хамт орсон	1	Миний говь FM-89.1,

Улаанбаатар хот болон орон нутгийн радиогийн үйлчилгээний тусгай зөвшөөрөл эзэмшигч хуулийн этгээдийн эзэмшлийн бүтцийг эцсийн өмчлөгчийн түвшинд авч үзвэл, ихэнх радиогийн хувьд тус бүр нэг иргэний шууд болон шууд бус эзэмшил давамгайлж байна. Нийт радиогийн 75 орчим хувь нь тус бүр нэг иргэний хяналтад байгаа нь өмчлөлийн хяналт хувь хүний түвшинд түгээмэл байгааг илтгэнэ.

Мөн телевизтэй харьцуулахад радиогийн салбарт төрийн бус байгууллагын хэлбэрээр үйл ажиллагаа явуулдаг эзэмшлийн онцлог ажиглагдаж байна.

4. Олон суваг дамжуулах үйлчилгээний тусгай зөвшөөрөл эзэмшигч компаниудын эзэмшлийн байдал

Хүснэгт-14 Олон суваг дамжуулах үйлчилгээний тусгай зөвшөөрөл эзэмшигч хуулийн этгээдийн эзэмшлийн бүтэц

№	ХХК-ийн эзэмшлийн бүтэц (Улаанбаатар хот)	ОСДҮ эрхлэгчдийн тоо
1	1 иргэн 100 % эзэмшдэг	2
2	1 хуулийн этгээд 100% эзэмшдэг (хуулийн этгээд нь хэд хэдэн хөрөнгө оруулагчтай)	5
3	Иргэн, ХХК холимог олон хуулийн этгээд	4
№	ХХК-ийн эзэмшлийн бүтэц (Орон нутаг)	ОСДҮЭ-тоо
1	1 иргэн 100 % эзэмшдэг	11
2	2 ба түүнээс дээш иргэн эзэмшдэг	3

Хүснэгт-15 Олон суваг дамжуулах үйлчилгээний тусгай зөвшөөрөл эзэмшигч компанийн эцсийн эзэмшлийн бүтцийн ангилал

№	Ангилал	Тайлбар (Улаанбаатар хот)	ОСДҮЭ-ийн нэр
1	1 иргэн 100% эзэмшдэг	Компанийг нэг иргэн дангаар 100% эзэмшдэг	Оптимум КаТВ, Mongolsat
2	1 хуулийн этгээд 100% эзэмшдэг	Тусгай зөвшөөрөл эзэмшигч ХХК-ийг өөр нэг ХХК/ХК 100% эзэмшдэг	ORI, Хөдөлгөөнт Телевиз, Skymedia, VOO, Univision
3	Иргэн+ХХК-ийн холимог эзэмшил	Эзэмшигчдийн бүрэлдэхүүнд иргэн болон хуулийн этгээд хамт орсон	Ddish, Beyond Media, MNBC,
4	Төрийн өмч, олон нийт		National КаТВ
№	Ангилал	Тайлбар (Орон нутаг)	ОСДҮЭ-ийн нэр
1	1 иргэн 100% эзэмшдэг	Компанийг нэг иргэн дангаар 100% эзэмшдэг	Эм Эм Ди Эс КаТВ, Ди Би Эс КаТВ, Мэргэшир-Од КаТВ, Цацраг трэйд КаТВ, Дархан ширхэнцэг КаТВ, Стар КаТВ, Орхон системс КаТВ, Би Ти Жи КаТВ, Дөрвөн шарга КаТВ, Дөрвөн шарга КаТВ, ТОД саTV
2	1 хуулийн этгээд 100% эзэмшдэг	Тусгай зөвшөөрөл эзэмшигч ХХК-ийг өөр нэг ХХК/ХК 100% эзэмшдэг	ЖСММ КаТВ, ЖСММ КаТВ, Өндөр Мандал КаТВ

Улаанбаатар хотын олон суваг дамжуулах үйлчилгээний тусгай зөвшөөрөл эзэмшигч компанийн эзэмшлийн бүтцийг авч үзвэл, дан эзэмшлээс илүү хуулийн этгээд болон холимог хэлбэр давамгайлсан, эцсийн өмчлөгчийн түвшинд олон хөрөнгө оруулагчийн оролцоотой, харьцангуй нийлмэл бүтэц давамгайлж байна.

Хэд хэдэн телевиз, радио, олон суваг дамжуулах үйлчилгээ эрхэлдэг компанийн нэгдлийн бүтэц, хамаарал

Хүснэгт 16. Компаниудын нэгдэл, хамааралд хамаарах телевиз, радио, олон суваг дамжуулах үйлчилгээний мэдээлэл.

№	Медиа групп / Байгууллага	Тусгай зөвшөөрлийн нэр	Үйлчилгээний нэр
1	Гэр контент групп ХХК Монголмасс Медиа (Д.Баясгалан-100% эцсийн өмчлөгч)	Өргөн нэвтрүүлгийн телевиз	Боловсрол-100%; Ийгл телевиз-100%;
		Арилжааны телевиз	Asar shop; Asian box; Movie box; Хөг-жим; MovieBoxPlus;
		Радио	Цаг үе залуус FM 91.1
2	Медиагрупп ХХК (Шунхлай Холдинг ХХК- 100% эцсийн өмчлөгч)	Өргөн нэвтрүүлгийн телевиз	NTV
		Арилжааны телевиз	NTV Спорт, N Movies
		Төлбөртэй	MN+, Sky Live
		ОСДҮЭ	Skymedia
Радио	Эх дэлхий FM 107-(ХЭ:91.49%)		
3	Миллениум Групп ХХК (Э.Батшугар-100% эцсийн өмчлөгч)	Өргөн нэвтрүүлгийн телевиз	TV9
		Арилжааны телевиз	TV9-2 (Кино суваг)
		Радио	Тэнгэрлэг радио FM 103.6
4	Гэгээн Далай ХХК (Н.Базаррагчаа-100%)	Өргөн нэвтрүүлгийн телевиз	TV5
		Арилжааны телевиз	TV5-2; Moviemax
5	Супер Вижн Медиа Групп ХХК (С.Болдхэт-100% эцсийн өмчлөгч)	Өргөн нэвтрүүлгийн телевиз	SBN
		Арилжааны телевиз	Mon Plus
6	Тэнгэрлиг Медиа Групп (Л.Чинбат эцсийн өмчлөгч)	Өргөн нэвтрүүлгийн телевиз	Монгол TV-(ХЭ:20%) TenGer TV-(ХЭ:80%)
		Арилжааны телевиз	Mongol TV ⁺ (ХЭ:20%)
		ОСДҮЭ	ORI (ХЭ:20%)
7	Контент Дистрибьюшн ХХК (Юнител ХХК эцсийн өмчлөгч)	Арилжааны телевиз	SPS National; SPS Fight; SPS World; SPS Classic; SPS Prime-(ХЭ-70%)
		Төлбөртэй	UniSport 1; UniSport 2; Юнилайв 88; (ХЭ:100%)
		ОСДҮЭ	Ddish(ХЭ:49%); Univision(ХЭ:100%)
8	Вайлинг ХХК (Суббэ)	Арилжааны телевиз	902 Kids; 903 HITS; 900 Кино (ХЭ:100%)
9	Малчин Удамын Хийморь ХХК	Өргөн нэвтрүүлгийн телевиз	Малчин;
		Арилжааны телевиз	Их Засаг

	(Ням-Осор-100% эцсийн өмчлөгч)		
10	Улаанбаатар Телевиз ХХК	Өргөн нэвтрүүлгийн телевиз	UBS(ХЭ:100%)
		Арилжааны телевиз	Глобал TV(ХЭ:75.5%)
11	Номадиа Нэтворк ХХК (Ц.Пүрэвдорж-100% эцсийн өмчлөгч)	Төлбөртэй	Монгол кино; Монгол суваг; Шинэ кино; Ddishлайв; DDISHMUSIC
12	Монвсат Нэтворк ХХК (Ч.Доржпагам-100% эцсийн өмчлөгч)	Арилжааны телевиз	Mongolsat Кино(ХЭ:100%)
		Төлбөртэй	900 Төлбөрт үзвэр; 996 Шилдэг кино; 997 Монгол кино; TV Театр 999; TV Театр 995
13	Монгол контент ХХК (Мобиком Корпораци ХХК-100%)	Арилжааны телевиз	GoGo TV
		Төлбөртэй	VOO Max

Өнөөгийн байдлаар дээрх 13 компанийн хүрээнд нийт 50 телевизийн тусгай зөвшөөрөл бүртгэгдсэнээс 10 нь өргөн нэвтрүүлгийн телевиз, 24 нь арилжааны телевиз, 16 нь төлбөртэй телевиз, 4 нь олон суваг дамжуулах үйлчилгээ, 3 нь радиогийн үйлчилгээ байна.

График:1 Эзэмшлийн шууд болон шууд бус хамаарал бүхий телевиз, радио, олон суваг дамжуулах үйлчилгээний бүтэц



Хүснэгт 17: Монголмасс Медиа ХХК-ийн нэгдэл, эзэмшлийн бүтэц

100% х/оруулалттай компани	Охин компани	Эзэмшлийн хувь	Үйлчилгээний нэр	Үйлчилгээний төрөл
----------------------------	--------------	----------------	------------------	--------------------

Монгол масс Медиа ХХК	1	Гэр контент групп ХХК	1	Медиа боловсрол суваг ХХК	100 %	Боловсрол суваг ТВ	Өргөн нэвтрүүлгийн телевиз
			2	Эйшн бокс ХХК	100 %	Asian box	Арилжааны телевиз
			3	Мөүви бокс ХХК	100 %	Movie box	Арилжааны телевиз
			4	Мөүви бокс плас ХХК	100 %	Movie box plus	Төлбөрт телевиз
	2	Монголиа Медиа Корпорэйшн ХХК	1	Ийгл бroadкастинг ХХК	100%	Eagle TV	Өргөн нэвтрүүлгийн телевиз
			2	Шууд ТВ ХХК	100 %	Асар шоп	Арилжааны телевиз
			3	Монгол комикс ХХК	100 %	FM 91.1	Радиогийн үйлчилгээ
	3	Мюзик бокс ХХК		100 %	Хөгжим	Арилжааны телевиз	

Монголмасс Медиа ХХК-ийн эзэмшлийн бүтцээс үзэхэд тус компани нь 100 хувийн эзэмшилтэй охин компаниудаараа дамжуулан телевиз, радиогийн үйлчилгээний тусгай зөвшөөрөл эзэмшдэг.

Хүснэгт 18: Шунхлай холдинг ХХК-ийн нэгдэл, эзэмшлийн бүтэц

		100% хөрөнгө оруулалттай компани	№	Охин компани	Охин компани	Эзэмшлийн хувь	Үйлчилгээн ий нэр	Үйлчилгээний төрөл		
Шунхлай холдинг ХХК	1	Медиа групп ХХК	1	Эн Ти Ви Бroadкастинг ХХК	-	100 %	NTV	Өргөн нэвтрүүлгийн телевиз		
					-	100 %	N Movies	Арилжааны телевиз		
					И Зэт Эф Эм ХХК	100 %	Эх дэлхий ФМ 107	Радиогийн үйлчилгээ		
	2	Скайтел ХХК	2	Монзах ХХК	-	100 %	NTV sport	Арилжааны телевиз		
					100 %				MN+	Төлбөрт тв
					100 %				Sky live	Төлбөрт тв
				100 %				Skymedia	ОСДҮЭ	

Хүснэгт 19: Тэнгэрлиг Медиа Групп компанийн нэгдэл, эзэмшлийн бүтэц

	Хөрөнгө оруулалт	№	Охин компани	Эзэмшлийн хувь	Үйлчилгээний нэр	Үйлчилгээний төрөл
--	---------------------	---	-----------------	-------------------	---------------------	-----------------------

Тэнгэрлиг Медиа групп ХК	1	Монгол телевиз ХХК	20%		Монгол ТВ	Өргөн нэвтрүүлгийн телевиз
					Mongol TV +1	Арилжааны телевиз
			1	Оримедиа ХХК	100%	ORI
	2	Про медиа нетворк ХХК	1	80%		TenGer TV

Хүснэгт 20: Контент Дистрибьюшн ХХК-ийн нэгдэл, эзэмшлийн бүтэц

	100% х/оруулалттай компани	№	Охин компани	Эзэмшлийн хувь	Үйлчилгээний нэр	Үйлчилгээний төрөл
Контент дистрибьюшн ХХК	Премьер спортс нэтворк ХХК		70%		Premier sports 1-5	Арилжааны телевиз
		1			UniSport 1	Төлбөрт телевиз
	2	100%		UniSport 2		
	3			Юнилайв 88		
	Юнител ХХК	1	Юнивишн ХХК	100%	Univision	ОСДҮЭ
2		ДДэш ТВ ХХК	49%	Ddish	ОСДҮЭ	

Өргөн нэвтрүүлгийн үйлчилгээ эрхлэгчдийн эзэмшлийн бүтцийг нийтэд нь авч үзвэл, нийт 133 үйлчилгээ эрхлэгч нь тус бүр нэг иргэн буюу нэг этгээдийн төвлөрсөн эзэмшилтэй байна. Харин хоёр болон түүнээс дээш эзэмшигчтэй байгууллагын тоо харьцангуй цөөн байгаа нь олон талт оролцоо хязгаарлагдмал байгааг харуулж байна.

Цаашид өргөн нэвтрүүлгийн үйлчилгээ эрхлэгчдийн эзэмшлийн бүтцэд тогтмол үнэлгээ, дүн шинжилгээ хийж, эцсийн өмчлөлийн ил тод байдлыг хангах шаардлагатай.

Гэвч Өргөн нэвтрүүлгийн тухай хуулийн 19.4-т заасны дагуу зах зээлийн хэт төвлөрлөөс сэргийлэхэд чиглэсэн шаардлагатай арга хэмжээг Харилцаа холбооны зохицуулах хороо энэ хуулийн 18.2-т заасан журмын дагуу авч хэрэгжүүлэхээр заасан боловч, хуулийн уг зохицуулалт нь хэт ерөнхий шинжтэй тул журмаар нарийвчлан зохицуулах боломж хязгаарлагдмал байна.

Иймд цаашид бодитоор хэт төвлөрөл үүссэн эсэхийг үнэлж үзэх, эзэмшлийн хэт төвлөрлийг эцсийн өмчлөгчийн түвшинд тодорхойлох, зах зээлийн төвлөрлийн түвшинг үнэлэх шалгуур, аргачлалыг хуулиар тодорхойлох, холбогдох эрх бүхий байгууллагуудын хамтын ажиллагаа, чиг үүрэг зэрэг зохицуулалтыг хуульд нарийвчлан тусгаж, боловсронгуй болгох шаардлагатай байна.

ӨРГӨН НЭВТРҮҮЛГИЙН ЗОХИЦУУЛАЛТЫН ГАЗАР